

CAft ta reconoce cu Gobierno nobo a tuma paso concreto pa recobra credibilidad financiero



ORANJESTAD (AAN): Diabierna ultimo Gobierno di Aruba a tuma despedida di señora Sybilla Dekker y señor Robert Croes kendenan a forma parti di e colegio di supervision financiero di Aruba, CAft.

Señora Dekker a expresa su gratitud na Minister Presidente señora mr. Evelyn Wever-Croes y Minister di Finansa, Asuntunan Economico y Cultura señora mr. Xiomara Ruiz-Maduro pa e manera cu e tempo ey caba for di oposicion como Parlamentario a trata cu seriedad e tema financiero di nos Pais y awor den funcion como Minister Presidente y Minister di Finansa, Asuntunan Economico y Cultura ta tuma decision y ta dal stapnan concreto pa Aruba por recobra su credibilidad financiero y logra yega na un finansa

publico manehabel y sostenibel manera cualkier Pais respeta lo haci. Minister Xiomara Ruiz-Maduro a enfatisa cu e hecho cu Aruba ta conoce pa prome biaha un Gobierno lidera pa e ser femino como Minister Presidente y Minister di Finansa ta gosa di e apoyo y respet di señora Dekker kende a fungi tambe como Minister encarga cu Vivienda, Planificacion Urbano y Medio Ambiente na Hulanda.

“Gobierno di Aruba di su banda a gradici señora Dekker pa e bon cooperacion y e bunita palabranan di sosten y a felicita señora Dekker kende cu riba e mesun dia aki a keda nombra como Minister van Staat pa nos Rey su Mahestad Willem Alexander”.

E esfuerzo y trabao serio di e Gobierno actual ta bisto pa

un y tur y cada dia ta haya mas reconocimiento. Entrante prome di augustus, CAft lo tin dos miembro nobo, E persona kende lo reemplasa señor Croes lo worde anuncia pronto.